



Synfocity = 481

mail us at : mzsynfo@gmail.com; mizoramsynod@gmail.com - Phone - 2314648

3rd April, 2014

□ Harhna Thlen Ni

April 4, 2014 (Zirtawpni) hi **Harhna Thlen Ni** a ni a, kumin hi kum 108-na a ni. Harhna Thlen Ni hi Kohhran hoten ni pawimawha telh ve duhin *Assembly* nih lai atang tawhin vawi tam tak *Synod* Inkhawmpuii a rel a; mahse a passed mai lo va. Hun a kal zel a. *1981 Synod*-ah chuan Harhna Thlen Ni chu ni 4 nge ni 9 zawk tih thu-ah uluk zawka chhuia ngaihtuah turin *Synod Executive Committee (SEC)* chu ruat a ni a. *SEC* chuan *1982*-ah a thlen leh a. *1951 Assembly* lo rel tawh dante ngaihtlak a nih hnuin, "*Zorama Harhna lo thlen hmasakna ni chu April 4, 1906 a ni e, kan ti*," tiin an rel ta a ni. Kum tinin April 4-ah Harhna champha lawmna inkhawm hman a lo ni ta a ni. Kum 2006-ah phei chuan Harhna thlen Centenary ropui takin kan lo lawm tawh a ni.

Kumin *2014*-ah hian Mizoram Presbyterian Kohhran chuan inkhawm tum khat, zan inkhawm atan chauh programme a siam a, '**Kan mamawh Pathian thutaka harhna**' (Sam 119:25, 154; Jn 16:12-13) tih thupui an zirho ang.

Harhna Thlen Ni-ah hian Synod Office Pui leh Synod Department hrang hrang office-te khar a ni ang a, Synod Bookroom erawh chu dawrtute ngenna angin hawn a ni thung ang.

□ National Council of Churches in India (NCCI) Centenary lawm a ni

March 27 - 30, 2014 chhung khan NCCI kum za-na, India Hmarchhak huapa lawmna chu Mizoram Presbyterian Kohhran bultumin Mission Venga Synod Conference Centre-ah tluang taka neih a ni.

He NCCI kum 100-na lawmna hi Mizoram Presbyterian Kohhran Synod-in a senso te tumin bul a tum a, programme leh tul dang lo huaihawt mawhpurhna chu Mission Veng Kohhranin a la thung a ni. Thupui chu "Chanchin Tha hril hna leh Kristiante inpumkhatna lam hawia ke pen" tih a ni.

March 27 khan Moderator-in palaite zanriah a kilpui a, Mikhualte lo dawnawna programme zangkhai neih a ni bawk. March 28 chawhma dar 9:00-ah Programme hawna hun hman a ni a, Shri Vakkom Purushothaman, Mizoram Governor chu Khuallian a ni. Keynote Address session-ah Rev. K. Lungmuana, NCCI Gen Secy hluin thu a sawi a, chhun chawlh neih a ni. Chawhnu lamah NCCI lehkhabu tlangzarh hun hman a ni a, Paper zir hona session hnih neih zui a ni. Zan lamah Aizawl Club-ah Chief Minister Lal Thanhawla'n palaite zanriah a kilpui a, Cultural programme neih zui a ni.

March 29-ah palaite hmun hrang hrang fanpui an ni a, March 30-ah NCCI kum zana lawmna puala Pathian biak inkhawm programme ruahmante chu chawhma atanga zan thlengin Mission Veng Kohhran Biak Inah neih a ni a, chawhma inkhawmah Rev. Lalrinmawia, Mission Veng Bial vawngtu Pastor-in a hruai a, Rev. Dr. Roger Gaikwad, Gen Secretary, NCCI-in thuchah a sawi. Chawhnu inkhawm chu Dr. Hrangthanchhungi, Executive Secretary, NCCI-in a kaihruai a, Rev. R. Lalnunzira, Secretary, NEICC-in thuchah a sawi. Zan inkhawm chu Rev. Zosangliana Colney-in a kaihruai a, Bishop Dr. Taranath S. Sagar, President, NCCI-in thuchah a sawi a ni.

NCCI Centenary lawmna hi Synod Information & Publicity Department (Synfo) thawktuten Video-in an cover a, March 30, 2014 (Pathianni) bik kha Hruaina Eng TV Channel-ah LIVE a pekchhuah a ni.

□ Computer zir zo thlah

Synod Multipurpose Training Centre (SMTTC) chuan March 28, 2014 khan SMTTC Lecture Hall-ah Computer Training Batch 13-na zir chhuakte thlahna hun a hman.

He programme hi Rev. Zosangliana Colney, Programme Director-in a kaihruai a, Rev. Lalzuithanga, Senior Executive Secretary chu Khuallian a ni. Upa Vanlalhuma'n Report a pe a, Khuallianin certificate leh lawmman dangte semin thuchah a sawi a, trainee aiawh thusawi ngaihtlak a ni. Programme hman zawhah hian thingpui in ho a ni.

Synod Multipurpose Training Centre (SMTTC)-a Computer zir tura lakte hian registration fee Rs. 100/- leh thla tin fee Rs. 50/- lak a ni a, tha taka zir chhuak zinga mi attendance 80% thleng phak chin hnenah lawmman Rs. 1200/- pek thin a ni. Computer zirna tan a nih atangin tuna mite nen hian mi 278-in an zir chhuak tawh a, tun tuma thlah tak Batch 13-naah hian mi 28-in an zir a ni.

□ NEICCWA 11th Biennial Assembly-cum-Seminar

April 3 - 6, 2014 chhung hian North East India Christian Council Women Assembly (NEICCWA) Biennial Assembly cum Seminar vawi 11-na, Mission Veng Kohhranah ngah a ni dawn a, Mizoram Presbyterian Women Fellowship (Central Kohhran Hmeichhia) ten an lo mikhual dawn a ni. Inkhawmah thupuih 'Be Transformed' (Rom 12:2) tih an hmang ang.

April 3, 2014 (Ningani) zan hian Inkhawmpui hawna leh Palai lawmna inkhawm neih a ni ang a, April 4, 2014 (Zirtawpni) Seminar neih a ni dawn a, session 1-naah Mrs. Lalthangpui Pulamte paper 'Strategy to create awareness on Crime against Women in North-East Region' tih an zirho ang a, session 2-naah an paper zirho atangin Sawihona hun an hmang leh ang. April 5, 2014 (Inrinni) nilengin Rorel Inkhawm neih a ni leh ang a, hruaitu thar thlan nghal a ni ang. Zan Pathian biak inkhawm banah Cultural Nite an hmang bawk ang. April 6, 2014 (Pathianni) zingah Rev. Lalhmingthangi Marak in Lalpa Zanriah Sakramen theh a ni ang a, chawhma leh chawhnuah Pathian biak inkhawm a awm leh ang. Zan inkhawmah hruaitu thlan tharte lakluhna neih a ni ang a, Rev. J. Hoplien Neitham, NEICC President-in hluitu tharte hlanna hun hi a hmang ang. Programme kimchang pheh hnungah tarlan a ni.

□ Kristian Thalai Pawl

◆ Kum danga tih thin angin Central KTP chuan Blood Donation Calendar a siam thar a, hei hi May 2014 - March 2015 huam chhung tura duan a ni a. KTP Diamond Jubilee lawm kum a nih angin member-te chu athlawna thisen pekah thahnemngai leh zual turin an inngen a ni. Tuna an calendar siamah hian Aizawl khawpui chhung Presbytery huam chhunga Bial 37-a Branch 143-ah ngenna an siam a, Aizawl Civil Hospital leh Synod Hospital-a pe turte thliar fel nghal an ni.

2. CKTP Committee chu April 24, 2014 chawhnu dar 1:00 hian Synod Committee Room No. II-ah an thu ang.

3. Mizoram Synod Choir te April 1, 2014 (Thawhlejni) khan All India Radio (AIR), Aizawl buatsaih Choir Meet (Vanapa Hall)-ah an zai, April 3, 2014 (Ningani) zan hian North East India Christian Council Women Assembly (NEICCWA) Biennial Assembly cum Seminar vawi 11-na, Mission Veng Kohhrana ngahah an zai ang a, April 5, 2014 (Inrinni) hian Hlimen Kohhran Biak In hawna inkhawmah an zai bawk ang.

Contd...

- ♦ Mizoram Synod Choir Music Video Album thar "Aw Isu, min kai ang che" tih chu CKTP Office-ah lei theihin a awm, Rs. 160/- man a ni. A tha lo lei palhte tan thleng theih a ni bawk.

□ **Family Guidance & Counselling Centre**

April 4 - 7, 2014 chung hian Vaphai Bial huapin Kristian Chhungkaw Seminar & Campaign neih a ni dawn a, hemi neihpui tur hian FG&CC hotute atangin Rev. R. Lalhmingthanga, Director; Rev. Jonathan Pachuau, Counsellor, Rev. R. Lalengzauva, Commt. Member leh T.Upa H. Lalchhandama, Office Assistant te an kal ang.

□ **Synod Mission Board**

- ♦ March 31 - 8 April, 2014 chung hian Siliguri, Nepal leh Kolkata Mission Field Committee neih mek a ni a, hemi neihpui tur hian Rev. Lalchhuanmawia, Rev. C. Chawngliana, Upa F. Lalfakzuala leh Upa H. Zoliana Committee Members te an kal. April 1 (Thawhlejni) khan Kolkata Field Committee an thu a, April 3 (Ningani) hian Siliguri Field Committee an thu leh ang a, April 5 (Inrinni) ah Nepal Field Committee an thu leh ang.

- ♦ Tripura Gospel Team leh Udaipur Bial thawktute rawngbawlna Lalpan malsawmin March 26, 2014 zan khan mi 7 in Rev. Kiran Debbarma kutah baptisma an chang. Heti hian March thlaa Gospel Team rawngbawlnaah mi 18 ringthar an awm ta.

- ♦ Karbi Anglong Field hnuai Diphu-a missionary tang lai Pu R. Thanthuama pa, Upa Lalthankima (kum 90) chu March 28, 2014 khan a thi a, March 29 khan an chenna in, Bukpuiah vuilliam a ni.

□ **MSSU**

- ♦ April 5, 2014 (Inrinni) hian Serchhip Field Veng, Serchhip Bazar Veng leh Serchhip Chhim Veng Kohhranah Sunday School Zirtirtu Training neih a ni dawn a, hemi neihpui tur hian T.Upa Lalthahluna Ralte, MSSU Asst. Coordinator; Upa K. Vanlalngbaka, Ramhlun East leh Upa K. Zoremsanga, Kulikawn (MSSU Trainers) te an kal ang.

- ♦ April 5, 2014 (Inrinni) hian Leitan Kohhranah Sunday School Zirtirtu Training neih a ni dawn a, training neihpui tur hian Upa Lalchhuanawma, Zuangtui; Upa Hrilthansanga, Mission Vengthlang leh Upa B. Lalhmunliana, Bethlehem Venglai (MSSU Trainers) te an kal ang. Zan Pathian biak inkhawmah Upa Hrilthansangan Fanau enkawl (Child Evangelism) chungchang thuchah a sawi ang.

□ **Lok Sabha MP candidate-te kawm dawn**

April 5, 2014 (Zirtawpni) chawhma dar 11:00 hian Lok Sabha MP candidate tur mi 3 te Mizoram People Forum (MPF) Executive Committee member-ten Synod Conference Centre-ah an kawm dawn a, Synfo thawktuten Video coverage an buaipui ang.

□ **Synod Social Front**

April 5 & 6 hian Chhingchhip Mualpui Kohhranah Intodelh & Ruihhlo Awareness Campaign neih a ni dawn a, hemi neihpui tur hian Dr. Saithantluanga, Campaigner leh T.Upa Lalrosanga Colney, Synod Office te an kal ang.

□ **Zin**

April 2 - 5 hian Meitei Presbyterian Singlup General Assembly Administrative Unit (MPSGAAU) Committee, Imphal-ah Rev. C. Vanlalhruaia, Committee Member a tel.

□ **Synfo Recording Rate**

Synod Information & Publicity Department (Synfo) chuan Recording Rate a hnuai tarlan ang hian a siam a, March 1, 2014 atanga hman tan a ni :

CATEGORY I : AUDIO RECORDING		CATEGORY II : VIDEO RECORDING	
1. Solo leh Zaipawl	: 1 hr. Rs. 200.00	1. 1 Camera & Editing	: Rs. 1,000.00
2. Final Processing & Mixing	: Hla 1 Rs. 100.00	2. 2 Cameras & Editing	: Rs. 3,000.00
3. Music Track siam man	: Hla 1 Rs. 500.00	3. 3 Cameras & Editing	: Rs. 3,500.00
		4. 3 Cameras with Mobile Studio	: Rs. 5,000.00

□ **Programme pek theih**

Hruaina Eng TV channel atan music video leh special programme a pek theih reng a, pek tur nei chuan Synod Office 4th floor-a SYNFO department office-ah pek theih reng a ni.

□ **Synfo koh theih**

KTP, Chawhnu Tleirawl Inkhawm leh Chawhnu Naupang Inkhawm programme tha leh special bik nei turte tan Hruaina Eng TV-a tih chhuah atan SYNFO-in a cover thei a, koh theih an ni.

□ **Hruaina Eng FM Radio & TV Programme**

- ♦ **APRIL 4 (FM Zoawi Aizawl @ 7:30 p.m.) :**

Solo : Laldusaki - A va na em, **Choir** : Leitan Pavalai Zaipawl - Isu ka rawn pan che, **Thuchah** : Rev. Lalramliana - Ka chhuan ber Krista kraws, **Band** : ScapeGoatz - Lalpa I ni, **Choir** : Mizoram Synod Choir - Tho la eng rawh

- ♦ **APRIL 4 (FM Lunglei @ 7:30 p.m.) :**

Solo : Laldusaki - A va na em, Synod News, **Choir** : Leitan Pavalai Zaipawl - Isu ka rawn pan che, **Thuchah** : Rev. Lalramliana - Ka chhuan ber Krista kraws, **Band** : ScapeGoatz - Lalpa I ni, **Choir** : Mizoram Synod Choir - Tho la eng rawh

- ♦ **APRIL 6 (TV Programme @ 3:00 p.m.) :**

Zaipawl : Mizoram Synod Choir - Pathian Kohhran, **NCCI Centenary Lawmna** : Moderator's & State Dinner

□ **Susamachar Prasaran Programme**

APRIL 6 (Pathianni) 5:00 pm. Hindi Gospel Programme (Susamachar Prasaran) :

Group/Choir/Solo : Champhai Bethel Pastor Bial - Hosenna, **Group/Choir/Solo** : Mission Veng Masihi Sangati - Rahi, **Sermon** : Rev. Mohanlal Tudu - Yishu papiang Ko Bachane, **Group/Choir/Solo** : Chawlhmun Masihi Sangati - Daya Ka Sagar, **Stuti Geet** : Sare Srishti Ke Malik

□ **Synod Moderator Programme**

Synod Moderator Rev. K. Lalhmuchhuaka chuan tun kar tawpah hetiang hian hun a hmang ang :

April 5, 2014 (Inrinni) : S. Hliemen Kohhran Biak In sak thar a hawng ang.

April 6, 2014 (Pathianni) Chawhma : Dam Veng Kohhran

April 6, 2014 (Pathianni) Chawhnu : Melthum Kohhran

April 6, 2014 (Pathianni) Zan : Saikhamakawn Kohhran

NORTH EAST INDIA CHRISTIAN COUNCIL WOMEN ASSEMBLY (NEICCWA)**11th BIENNIAL ASSEMBLY-cum-SEMINAR**

Venue : Presbyterian Church Mission Veng, Aizawl (Mizoram)
Host : Mizoram Presbyterian Women Fellowship
Duration : April 3 - 6, 2014
Theme : "Be Transformed" (Rom.12:2)

APRIL 3, 2014 (THURSDAY)**10:00AM-04:00PM : Arrival & Registration****07:00 – 08:30 PM : WELCOME & INAUGURAL SERVICE**

Chairperson : Mrs. Sweet Mary Rapphap, President NEICCWA
 Hymn of Praise : Great is thy faithfulness (No.20)
 Welcome Address : Mrs. Sweet Mary Rapphap and Host Church
 Bible Reading &
 Prayer : Mrs. Rebeeca Chapar, LABU
 Announcement : Secretary, NEICCWA.
 Choir : Synod Choir
 Offertory Prayer : Mrs. Ngaijaching, EBC
 Inaugural Speech : Rev. R. Lalnunzira, Secretary NEICC.
 Theme : "Be Transformed" (Rom.12:2)
 Hymn of Praise : *It is well* (No. 24)
 Benediction : Speaker

APRIL 4, 2014 (FRIDAY)**06:30 – 07:30 AM : Bible Study**

Leader : Rev. Dr. R.L. Hnuni, Former Principal, AICS.

08:00 – 10:00 AM : Lunch Break**11:00 – 12:00 PM : Seminar Session-I**

Moderator : Dr. Chawngthanpari, BCM
 Resource Person : Mrs. Lalthangpuii Pulamte, MPS
 Topic : "Strategy to create awareness on Crime against Womens in North-East Region".

12:00 PM-12:30 PM NOON: TEA BREAK**12:30 – 01:30 PM : Seminar Session-II**

Moderator : Ms. Hanabalahun Ex. Member
 Resource Person : Mrs. Lalthangpuii Pulamte, MPS

01:30 – 02:00 PM : Group Discussions

Moderator : Ms. H. Pyrtuh, KJP Synod Mihngi

02:00 – 02:30 PM : Action Plan

Moderator : Mrs. Zanguri, BCM

03:00 – 05:00 PM : Exhibition and Sale**05:30 - 06:30 PM : Dinner****07:00 – 08:30 PM : WORSHIP SERVICE**

Chairperson : Mrs. Evelyntice Sajem, CHT Synod
 Hymn of Praise : *Blessed Assurance* (No.2)
 Bible Reading &
 Prayer : Mrs. H. Zoramthangi, ECM
 Choir : Central Church Kohran Zaipawl, BCM
 Offertory Prayer : Mrs. Agreement Budon, KJP Synod, Mihngi
 Speaker : Mrs. Vanlalthiani, Mizoram Synod
 Theme : "Be transformed as a living sacrifice to God"
 Hymn of Praise : *I'm not ashamed* (No.3)
 Benediction : Speaker

APRIL 5, 2014 (SATURDAY)**06:30 – 07:30 AM : Bible Study**

Leader : Rev. Dr. R.L. Hnuni, Former Principal, AICS.

08:00 – 10:00 AM : Lunch Break**10:00 -12:00 AM : BUSINESS SESSION – I****12:00 PM - 12:30 PM NOON : TEA BREAK****12:30-02:00 PM : BUSINESS SESSION – II****03:00–05:00 PM : Exhibition & Sale****05:30 - 06:30 PM : Dinner****07:00 – 08:30 PM - WORSHIP SERVICE**

Chairperson : Mrs. Deem Melody, Manipur Synod
 Hymn of Praise : *There shall be showers of Blessing* (No.4)
 Bible Reading &
 Prayer : Mrs. B. Lynshing Sepngi, KJP Synod, Sepngi
 Choir : NBCC Unit

Offertory Prayer : Mrs. Dimneihching, Zou Synod

Choir : Dawrpui Female Voice

Speaker : Mrs. Lalthienzo ICI

Theme : "Be transformed to become a Godly mother in the family".

Hymn of Praise : *Amazing grace* (No. 1)

Benediction : Rev. Lalchangliana

Cultural Nite

Host : Dr. Vanlalhrauü Asst. Secy Mizoram Synod, PWF

APRIL 6, 2014 (SUNDAY)**06:30 – 07:30 AM : Holy Communion**

Celebrant : Rev. Lalthmingthangi Marak

Assistants : Elder C. Remmawii

: Rev. Esther Chemi, CNI.

: Rev. K. Rohmingliani, BCM.

: Elder Lianngengi, BCM.

: Rev. Awala Longkumer, NBCC.

: Rev. Narola Lemdor, NBCC

: Host Church

08:00 – 10:00 AM : Lunch Break**10:30-12:00 PM : WORSHIP SERVICE**

Chairperson : Mrs. Ziakhampuii Darlong, TBWS

Hymn of Praise : *We've a story to tell. no. 17*

Bible Reading &

Prayer : Mrs. Joan Tariang M/A

Greetings : NEICCYA

Choir : EFCI Choir Aizawl

Offertory Prayer : Major Lalhlimpuii, Salvation Army

Greetings : Mrs. Rachel Pradhan, Secretary AICCW

Choir : Mission Vengthlang Pastor Bial Zaipawl, BCM

Speaker : Mrs. Lalruot Khoubung, EFCI

Theme : "Be transformed towards God's holiness"

Hymn of Praise : *Come thou fount of every blessing* (No.14)

Benediction : Rev. H. Lalrinmawia Pastor

i/c Mission Veng Pastorate

12:00 - 01:00 PM : TEA BREAK**01:30 – 03:00 PM : WORSHIP SERVICE**

Chairperson : Mrs. Sweet Mary Rapphap, President NEICCWA

Hymn of Praise : *When the roll is call up. no. 12*

Bible Reading &

Prayer : Mrs. F. Hranghlunchhungi LIKKBK

Choir : The Territorial Songster, The Salvation Army

Greetings : Dr. Hrangthanchhungi, NCCI

Choir : Bawngkawn Presbyterian Pastor Bial Zaipawl

Offertory Prayer : Mrs Q. S. Rane, Ribhoi Synod

Speaker : Col. Lalngaihawmi, Salvation Army

Theme : *Be transformed for such a time as this"*Hymn of Praise : *Create in me a clean heart* (Chorus No. 11)Benediction : Rev. Lalramliana Pachuau,
Executive Secy. Mizoram Synod**07:00 – 08:30 PM : INSTALLATION SERVICE**

Chairperson : Mrs. Lalrinkimi V/President, NEICCWA

Hymn of Praise : *We are marching into Zion* (No.8)

Bible Reading &

Prayer : Mrs. Pari, Biateram Synod

Offertory Prayer : Mrs. Lhingnu Kipgen, ECA

Choir : Mission Veng Female Voice

Installation Minister : Rev. J. Hoplien Neithan, President NEICC

Vote of Thanks : Miss Holikali K. Yepthop, Secretary, NEICC-WA.
: Host ChurchHymn of Praise : *Great is thy faithfulness* (No.20)

Benediction : Rev. J. Huoplien Neitham, President, NEICC.

Worship i/c. : Mission Veng Presbyterian Youth Fellowship

Contd...

HRIATTIRNA

Kohhran hoten thil hriatfiah duh leh zawhfiah ngai chungchangah Helpline neih rawtna chu Synod 2013 chuan Superintendent, Synod Office-a Telephone 2322248 leh 2345880-te hi Helpline atan biak theih reng a ni tih a rel angin Kohhranhote kan inhriattir a. Heng Phone-ah hian Kohhran rorel leh zawhfiah ngaite chhanna tur a ni.

**Secretary
Mizoram Synod**

SYNOD BOOKROOM BOOK NEWS FOR THE MONTH OF APRIL 2014

1. Bible-a Hmeichhiate - By P.C. Lalflani	Rs. 150
2. Chicken Soup for the Teenage Soul II - Dr. Rualthankhuma lehlin	Rs. 180
3. Zu mawlh hi - By Dr. C. Biakmawia	Rs. 50
4. Isua inpuannate - By Rohmingthanga	Rs. 50
5. Thalaite khawvel - By Samuel Lalrozama Hmar	Rs. 350
6. Ngursangzuali - By P.C. Malsawmzuala	Rs. 120
7. Finna kailawn - By A. Sawihlira	Rs. 150
8. Ka vahvaihna kawng chhuk chho - By Hrangtawna	Rs. 250
9. Kan khuaah puitling film - By Bena Ralte	Rs. 150
10. Ka rose par M.K - By C. Zolianpari	Rs. 130

ALUMINIUM MAMAWH KOHHRANTE TAN

Synod Social Front chuan Mizo thiam chi, Aluminium hnaa eizawng duhte tan Aluminium Mistiri Training a buatsaih a. He training-a zir chhuakte hi Biak In sa mek Kohhrante leh mimal pawhin kan mamawh dan azirin rawih theih reng an ni a.

Biak In leh Kohhran hall sa laite tan pheih chuan installment-a rulh theih dan kawng zawn mek a ni. A duhte chuan Synod Social Front Office-ah hrilh hriat ni se a tha ang e.

**REV. P.C. PACHHUNGA
Executive Secretary
i/c Synod Social Front**

ALUMINIUM MISTIRI TRAINING

Synod Social Front chuan Aluminium Mistiri Training a buatsaih leh dawn ta a. Dil duhte chuan Synod Office Social Front Department-ah dilna form la chhuakin Kohhran lehkhana nen April 10, 2014 (Thurs) hmain thehluh tur a ni a. April 11, 2014 (Friday) dar 11 am-ah Synod Committee Room II-ah interview tur a ni ang.

**REV. P.C. PACHHUNGA
Executive Secretary
i/c Synod Social Front**

PATHIAN THU ZIR DUH TAN

Presbyterian Bible School, Mission Veng-ah Session 31-na atan Certificate in Theology (C.Th) Admission hawn a ni a. Dil duhte tan a hnuacia tarlan hi hriat tur a ni e.

- 🕒 Admission Form : Office hun chungin Rs. 10/- a lei theih a ni
- 🕒 Form thehluh hun : April 30, 2014 (Nilaini) tlai dar 3:00 thleng
- 🕒 Dil thei chin : Class VII passed, kum 16 chin, Kohhran dan chunganga awm
- 🕒 Interview : May 2, 2014 (Zirtawpni) chawhma dar 10:00
- 🕒 Class tan hun : May 6, 2014 (Thawhlejni)
- 🕒 Zir hun chung : May - August, 2014
- 🕒 Stipend : Zirlai pakhat hnenah thla tin Rs. 500/- pek a ni ang. Hostel a awm lo.

Hrechiang duh tan Phone No. **8575308007/2317343/2350082**-ah zawh theih a ni.

**REV. R. LALENGMAWIA
Principal, PBS**